

# **Kesan Sejarah Dan Tempat-Tempat Menarik**

**Negeri Johor  
Darul Takzim**

**Mohamed Roselan Abdul Malek**



**Oscar Book International**

Gambar-gambar foto di muka-muka surat 2 - 4 adalah dengan ihsan Jabatan Penerangan Malaysia; 57, 63, 64, 65 dengan ihsan Perbadanan Perpustakaan Awam Johor.

© Oscar Book International  
Cetakan Pertama ..... 1998

**OSCAR BOOK INTERNATIONAL**  
37 A, JALAN 20/16,  
PARAMOUNT GARDEN,  
46300 PETALING JAYA,  
SELANGOR DARUL EHSAN.

#### **AMARAN ATAS HAKCIPTA**

Semua hakcipta terpelihara. Sebarang bahagian dalam buku ini tidak boleh diterbitkan semula atau dipindahkan dalam sebarang bentuk atau dengan sebarang cara, baik dengan cara elektronik, mekanik, penggambaran ataupun sebaliknya tanpa izin yang bertulis terlebih dahulu daripada pihak penerbit.

Perpustakaan Negara Malaysia Data Pengkatalogan-dalam-Penerbitan

Mohamed Roselan Abd. Malek

Negeri Johor Darul Takzim / Mohamed Roselan Abd. Malek.

(Siri kesan sejarah dan tempat-tempat menarik)

ISBN 967-941-337-3 (set)

ISBN 967-941-346-2

I. Johor--History. 2. Johor--Description and travel.

I. Judul II. Siri

959.5119

Dicetak Oleh:

Percetakan Soonly Trading

No: 10, Jalan BS 7/10,

Kawasan Perindustrian Bukit Serdang,

43300 Seri Kembangan,

Selangor Darul Ehsan.

AL  
2000 2000  
2000 2000

✓M

953132

8 JUL 1998

Perpustakaan Negara  
Malaysia



Ruj. Tuan :

Ruj. Kami :

Tarikh : 16hb. September, 1997

## Kata-Kata Aluan




**A**lhamsdillah syukur saya ke hadrat Allah s.w.t. kerana berkesempatan mengucapkan sepatah dua kata bersempena dengan terbitan buku 'Kesan Sejarah dan Tempat-Tempat Menarik di Malaysia' oleh Oscar Book International.

Perkhidmatan Perpustakaan Awam Johor dapat dilihat dengan wujudnya sistem rangkaian perpustakaan di peringkat Pusat, Perpustakaan Cawangan dan Perpustakaan Bergerak. Perpustakaan Desa, Bilik Bacaan serta Pinjaman Berkelompok. Ia sebagai usaha menyediakan kemudahan pembacaan kepada seluruh rakyat dalam negeri Johor Darul Takzim khasnya.

Sebagai sebuah institusi yang berhubung kait dengan minat membaca, Perpustakaan Awam Johor diwujudkan atas kesedaran untuk meningkatkan usaha-usaha ke arah peningkatan ilmu dan pengembangan pendidikan di samping pembangunan bangsa serta tamadun. Adalah diharapkan seluruh rakyat di negeri Johor Darul Takzim akan menggunakan peluang itu sebaik mungkin.

Akhir kata tahniah dan syabas sekali lagi kepada Oscar Book International atas usaha menerbitkan buku ini sebagai panduan dan dorongan ke arah mencapai matlamat Budaya Membaca.

Sekian terima kasih.

  
(ABDUL KARIM BIN YAHYA)  
Pengarah,  
Perbadanan Perpustakaan Awam Johor.  
16/9/97

# KANDUNGAN

---

	<i>Muka Surat</i>
Peta	1
Bendera & Lambang	2
Sultan	3
Menteri Besar	4
Johor Bharu	13
Bangunan Sultan Ibrahim	15
Istana Besar	17
Masjid Abu Bakar	19
Kota Panchor	21
Kota Batu	23
Makam Laksamana Bentan	25
Makam Sultan Mahmud Shah II	27
Makam Sultan Alauddin Riayat Shah I	29
Pulau Sialu	30
Perigi Batu Pahat	32
Muar	34
Kluang	37
Tangkak	39
Hutan Lipur Gunung Ledang	41
Segamat	43
Pagoh	45
Kota Tinggi	48

---

	<i>Muka Surat</i>
Batu Pahat	50
Pontian	52
Kukup	53
Mersing	55
Perbadanan Perpustakaan Awam Negeri Johor	57

# PETA

## Negeri Johor Darul Takzim



## Bendera Negeri Johor Darul Takzim



### Lambang

Lambang-lambang tersebut di bawah menggambarkan keteguhan dan semangat cintakan negeri dan negara bagi setiap rakyat. Lambang-lambang ini juga mengingatkan kita tentang perjuangan silam pemerintah-pemerintah terdahulu untuk mewujudkan sebuah negara Malaysia.

*Lambang  
Negeri Johor  
Darul Takzim*



- Mahkota menandakan Duli Yang Mulia Raja yang memerintah.
- Empat bintang di sudut perisai putih menandakan empat jajahan besar asal negeri iaitu Johor Baharu, Muar, Batu Pahat dan Endau.
- Bintang dan anak bulan melambangkan agama Islam sebagai agama rasmi negeri.
- Dua ekor harimau yang memegang perisai menunjukkan bahawa pada zaman dahulu terdapat banyak binatang buas berkeliaran di negeri ini.
- Lukisan yang berbunga-bunga di sebelah bawah perisai bermaksud gambir dan lada hitam yang merupakan dua jenis hasil utama yang asal bagi negeri Johor.
- Cogankata yang bertulis jawi berbunyi "Kepada Allah Berserah."

## SULTAN NEGERI JOHOR



Duli Yang Maha Mulia Baginda Sultan Iskandar Ibni Al-Marhum Sultan Ismail, D.K., S.P.M.J., S.P.D.K., D.K. (Brunei), D.K. (Perak), D.K. (Terengganu), D.K. (Kelantan), D.K. (Perlis), D.K. (Negeri Sembilan), D.K. (Kedah), P.I.S., D.S.I. Sultan Yang Di-Pertuan Bagi Negeri dan Jajahan Takluk Johor Darul Takzim.

## MENTERI BESAR NEGERI JOHOR



Yang Amat Berhormat  
Dato Haji Abdul Ghani Othman  
D.K.,S.M.J.

## SEJARAH RINGKAS JOHOR DARUL TAKZIM

---

**N**eGERI Johor Darul Takzim terletak di bahagian paling selatan Semenanjung Malaysia. Dengan keluasan 18,990 kilometer persegi, negeri ini ialah negeri yang kedua besarnya di Semenanjung Malaysia.

Johor bersempadan dengan Pahang di bahagian utara dan negara Singapura di selatan. Di bahagian barat, negeri ini bersempadan dengan Negeri Sembilan dan Melaka.

Sepanjang bahagian timur negeri ini menghadap Laut China Selatan, sementara di bahagian pantai barat menghadap Selat Melaka. Selat Tebrau menjadi sempadan di antara negeri Johor dengan Singapura.

Negeri yang dikatakan sebagai tebing di penghujung Benua Asia ini mempunyai lapan buah daerah iaitu Johor Bharu, Muar, Segamat, Batu Pahat, Pontian, Kota Tinggi, Mersing dan Keluang. Ibu negeri Johor ialah Johor Bharu.

Terdapat pelbagai catatan bagaimana Johor mendapat namanya. Negeri itu pernah dikenali sebagai 'Ujung Tanah' yang bermaksud 'kawasan yang terletak di hujung tanah' iaitu di hujung Semenanjung.

Ahli-ahli sejarah mengatakan nama Johor berasal daripada perkataan Arab iaitu 'jauhar' yang bermaksud permata. Mereka berpendapat begitu kerana pada suatu ketika dahulu orang-orang Arab berdagang di negeri itu.

Antara barang dagangan mereka ialah permata yang dipanggil 'jauhar'. Permata ini sungguh cantik dan bermutu

tinggi tetapi orang tempatan sukar menyebut perkataan jauhar dengan betul. Lalu mereka menyebut 'Johor' sahaja.

Berdasarkan penulisan awal tentang Johor, dikatakan perkataan Johor juga adakalanya disebut sebagai 'Tan-na, Jantan atau Jantana'. Ada juga yang menyebut Johor itu sebagai 'Satana'.

Pendapat lain pula mengatakan negeri Johor berasal daripada perkataan Hindi 'Jor' yang bermaksud sesuatu yang menyambungkan.

R.O Windsteadt, sejarawan dan bekas pentadbir British di Malaya dalam penulisannya tentang Johor pernah menggunakan nama 'Wurawari' merujuk kepada Johor.

'Wurawari' berasal daripada perkataan Jawa yang bermaksud 'air jernih'. Menurut cerita terdapat sebuah prasati (piagam yang bertulis pada batu) dalam bahasa Sanskrit dan bahasa Jawa yang bertarikh 1006 yang tercatat bencana yang dibawa oleh Wurawari ke atas Tanah Melayu.

Buku undang-undang Siam berjudul 'Kot Mont'ien Ban' yang ditulis pada tahun 1358 ada menyebut tentang raja di Wurawari yang menaiki takhta pada tahun 1435. Mengikut buku itu Wurawari berada di bawah takluk Siam.

Johor juga dikaitkan dengan nama 'Ganggayu' atau 'Gangga ayu', perkataan jawa yang mempunyai makna yang sama dengan 'Wurawari', iaitu air jernih.

'Ganggayu' atau 'Gangga ayu' pernah pula dikaitkan dengan perkataan Jawa 'galuh' yang bermakna permata. Kebetulan pula perkataan itu sama dengan perkataan 'jauhar' (permata). Oleh itu banyak ahli sejarah yang berpendapat nama Johor berasal daripada perkataan 'jauhar'.

Pendapat lain pula, mengatakan nama Johor diambil daripada perkataan Jawa lama berbunyi 'langyu'. Langyu bermakna layang-layang atau ikan jerung.

Pada suatu masa dahulu, pernah dikisahkan bahawa di persimpangan Sungai Langyu dengan Sungai Johor terdapat

sebuah penempatan untuk Sultan Lingga. Nama 'Langyu' itu dikatakan diambil daripada perkataan 'Ganggayu' iaitu nama Johor sebelum tahun 1450.

Syair 'Nagara Kertagama' yang dikarang oleh Prapancha (ketua sami Buddha) pada tahun 1365, pernah mencatatkan nama tempat-tempat di Tanah Melayu dan tempat lain di Nusantara seperti Hujung Medini, Langkasuka, Kalanten, Tringgano, Paka, Muara Dungun, Tumasik, Sang Hyang Hujong, Kelang dan Keda yang kesemuanya di bawah takluk Majapahit.

'Hujung Medini' dalam tulisan itu dikatakan merujuk kepada sebuah kawasan yang terletak di Johor.

Kewujudan Johor sebagai sebuah negeri hampir sama usianya dengan Melaka. Setelah kerajaan Melayu Melaka dikalahkan oleh Portugis pada tahun 1511, Johor menjadi sebuah kerajaan yang besar di Semenanjung Tanah Melayu.

Banyak kawasan tanah jajahan Melaka dahulu bertukar tangan di bawah kuasa pemerintahan kerajaan Johor. Ini berlaku kerana raja yang memerintah Johor pada masa itu adalah berasal daripada keturunan raja-raja Melayu dari Melaka juga.

Pemerintahan Johor pada masa dahulu adalah meliputi separuh daripada tanah Semenanjung. Di sebelah utaranya ialah Pahang, Terengganu dan Kelantan.

Di sebelah selatan pula meliputi hingga ke wilayah Gugusan Pulau-pulau Riau, Siak dan Kampar di Sumatera. Di sebelah timurnya pula adalah beberapa buah pulau di Laut China Selatan dan di sebelah barat hingga ke Selangor.

Pusat pemerintahan Johor pada masa dahulu adalah di Kota Tinggi iaitu di tepi Sungai Johor. Dari tahun 1511 hingga 1699, pemerintahan Johor meliputi daerah Riau dan Lingga. Maka itulah sebabnya pada masa itu disebut Kerajaan Johor-Riau.

Menurut catatan sejarah, setelah Melaka jatuh ke tangan Portugis, pemerintah Melaka pada waktu itu iaitu Sultan Mahmud Shah lari ke Johor. Dari sinilah bermulanya Kerajaan Melayu Johor.

Setelah Sultan Mahmud Shah mangkat, anakanda baginda, Sultan Alauddin Riayat Shah II menjadi sultan. Baginda mendirikan ibu negeri di Johor Lama dan berusaha merebut Melaka kembali dari tangan Portugis.

Dalam pada itu, Acheh sebuah kuasa Islam di utara Sumatera juga mahu menguasai Melaka. Oleh itu ada tiga kuasa yang mahu menjajah Melaka iaitu Johor, Acheh dan Portugis.

Perebutan kuasa ini menyebabkan berlakunya perperangan. Perperangan ini dikenali sebagai ‘Perperangan Tiga Segi’.

Acheh dan Johor gagal menembusi pertahanan Portugis. Pada tahun 1564, Acheh mula menyerang Johor. Johor kalah dan Sultan Alauddin Riayat Shah II ditawan dan dibawa ke Acheh. Baginda mangkat di sana.

Sultan Alauddin digantikan oleh putera baginda iaitu Sultan Muzaffar Shah. Baginda telah memindahkan ibu negeri Johor dari Johor Lama ke Seluyut untuk mengelakkan serangan Acheh. Sultan Muzaffar mangkat pada tahun 1570 dan dimakamkan di Seluyut.

Baginda digantikan oleh Sultan Ali Jalla Abdul Jalil Shah II. Pada masa pemerintahan bagindalah, Johor dapat menewaskan Acheh.

Pada tahun 1585, Johor telah menyerang Portugis di Melaka. Portugis hampir kalah. Portugis meminta bantuan daripada Goa, India.

Askar-askar bantuan itu telah menyerang Johor dan membina sakan Johor Lama. Dengan itu, Johor berhenti daripada menyerang Melaka buat sementara waktu.

Sementara itu, orang-orang Bugis datang ke Tanah Melayu dari Selatan Sulawesi. Salah seorang daripada mereka ialah Daeng Perani. Beliau telah dilantik menjadi Yamtuhan Muda Johor-Riau setelah menolong Raja Sulaiman mengusir Raja Kecil ke Siak.

Peluang Johor hendak menyerang Portugis terbuka apabila Belanda meminta bantuan tentera daripada mereka.

Johor dan Belanda berjaya mengalahkan Portugis pada tahun 1641.

Oleh kerana Belanda lebih kuat, Johor tidak membantah apabila Belanda menduduki Melaka. Johor telah diberi peluang berniaga oleh Belanda.

Setelah Inggeris datang, mereka selalu bertelingkah dengan Belanda tentang negeri jajahan. Oleh itu, mereka menandatangani Persetiaan Inggeris-Belanda dalam tahun 1824.

Menurut persetiaan itu, Empayar Johor-Riau dibahagi dua. Negeri-negeri Kepulauan Indonesia menjadi milik Belanda manakala Inggeris pula berkuasa di seluruh Tanah Melayu dan Singapura.

Keturunan Raja Melayu Melaka yang terakhir memerintah Johor Lama ialah Sultan Mahmud Shah II, iaitu Raja Johor yang kesepuluh. Baginda mangkat akibat dibunuh oleh Megat Seri Rama, salah seorang daripada orang besar kerajaan Johor pada masa itu.

Peristiwa itu berlaku pada tahun 1699. Makam baginda yang terletak di Kota Tinggi dikenali dengan nama 'Marhum Mangkat Dijulang'.

Selepas itu terputuslah keturunan raja-raja Melayu Melaka yang memerintah Johor. Dengan itu pemerintahan Johor berpindah tangan kepada Bendahara Johor yang kesembilan belas iaitu Sultan Abdul Jalil IV menjadi Raja Johor ke-11. Baginda mangkat pada tahun 1717.

Setelah Sultan Abdul Jalil IV mangkat, maka berlakulah pergolakan merebut takhta kerajaan Johor. Pergolakan bermula daripada dakwaan Raja Kecil yang bergelar Sultan Abdul Jalil Rahmat Shah.

Baginda mengaku bahawa dirinya ialah putera kepada Marhum Mangkat Dijulang. Pergolakan dan perperangan pun berlaku dan mengakibatkan campur tangan anak-anak Raja Bugis lima bersaudara.

Walaupun beberapa lama Raja Kecil dapat menguasai Johor, tetapi baginda tidak dapat menjadi Raja Johor yang sah. Akhirnya yang menjadi Raja Johor yang ke-12 ialah putera Sultan Abdul Jalil IV. Baginda bergelar Sultan Sulaiman Badrul Alam Shah dan memerintah dari tahun 1722 hingga 1760.

Raja Johor yang ke-13 ialah Sultan Abdul Jalil Muazam Shah. Baginda bergelar Sultan Abdul Jalil V. Baginda memerintah Johor selama setahun sahaja iaitu dari tahun 1760 hingga 1761.

Baginda diganti oleh Sultan Ahmad Shah sebagai Raja Johor yang ke-14. Raja Johor yang ke-15 ialah Sultan Mahmud Shah III yang memerintah Johor dari tahun 1761 hingga 1812.

Pada masa Johor diperintah oleh Sultan Sulaiman Badrul Alam Shah hingga Sultan Mahmud Shah III, pemerintahan negeri itu berpusat di Riau. Ketika itu, wilayah Johor meliputi Johor, Pahang, Riau dan Lingga.

Pada masa pemerintahan Sultan Mahmud Shah III, orang Belanda mula mencampuri hal-ehwal Riau. Apabila berlaku perperangan di antara orang Belanda dengan sultan yang memerintah di Riau, Belanda telah kalah dan lari ke Melaka. Sultan Mahmud berpindah ke Lingga dan pemerintahan Johor berpusat di Lingga pula.

Sultan Mahmud III mangkat dan meninggalkan dua orang putera iaitu yang sulungnya bernama Tengku Hussain, bergelar Tengku Long dan adiknya bernama Tengku Abdul Rahman.

Perbalahan Tengku Long dan Tengku Abdul Rahman merebut kuasa untuk menggantikan ayahanda yang mangkat telah menyebabkan kerajaan Johor terbahagi dua.

Kekecohan itu menyebabkan pihak ketiga mengambil kesempatan, iaitu pihak Belanda dan Inggeris. Pihak Belanda telah melantik Tengku Abdul Rahman memerintah Riau dan Lingga, manakala Inggeris melantik Tengku Long menjadi sultan memerintah Singapura dan Johor dengan gelaran Sultan

Hussain Shah. Sultan Hussain adalah Raja Johor yang ke-16 yang memerintah dari tahun 1819 hingga 1835.

Oleh sebab ada dua pemerintah, wilayah Johor menjadi kecil. Dengan tipu helah Inggeris, Sultan Hussain Shah telah menjual Singapura kepada Inggeris. Surat perjanjian penyerahan Singapura ditandatangani di antara Inggeris dengan Sultan Hussain Shah bersama Datuk Temenggung Abdul Rahman.

Sultan Hussain akhirnya berpindah ke Melaka dan kemudiannya mangkat di sana. Sementara itu, Temenggung Abdul Rahman tetap bersemayam di Singapura.

Baginda mangkat dan dimakamkan di Teluk Belanga. Puteranya yang kedua bernama Temenggung Ibrahim telah dilantik menggantikannya yang dikenali sebagai Temenggung Johor.

Setelah Sultan Hussain Shah mangkat, putera baginda yang sulung iaitu Tengku Ali menuntut haknya sebagai Sultan Johor tetapi tidak dipersetujui oleh Inggeris.

Akibatnya berlakulah perselisihan antara Tengku Ali dengan Temenggung Ibrahim. Akhirnya Inggeris melantik Tengku Ali menjadi Sultan Johor pada tahun 1855. Kemudian dibuat pula perjanjian di antara Sultan Ali dengan Temenggung Ibrahim Johor.

Setelah memperolehi kuasa penuh ke atas Johor, Temenggung Ibrahim memulakan pemerintahannya. Antara tempat yang mula dibuka ialah Tanjung Puteri.

Temenggung Ibrahim mangkat pada 1 Februari 1862 dan diganti oleh puteranya, Wan Abu Bakar yang bergelar Temenggung Abu Bakar Seri Maharaja Johor. Pada 1 Januari 1866, bandar Tanjung Puteri diberi nama baru iaitu bandar Johor Bharu.

Pada tahun 1868 telah diadakan istiadat mengubah gelaran Temenggung Abu Bakar kepada Maharaja Johor.

Pada tahun 1885, baginda dan rombongannya telah menghadap Queen Victoria di England. Suatu perjanjian bagi

mengukuhkan persahabatan di antara Johor dan Inggeris telah ditandatangani pada 11 Disember 1885 di London.

Pada 13 Februari 1886 pula, Maharaja Abu Bakar diisyiharkan sebagai sultan. Baginda bergelar Sultan Abu Bakar. Sultan Abu Bakar ialah Raja Johor yang ke-19.

Ahli-ahli sejarah menggelar baginda sebagai ‘Bapa Johor Moden’. Ini adalah kerana baginda telah memerintah Johor secara moden pada zamannya.

Pada tahun 1895, Sultan Abu Bakar telah membuat Undang-undang Tubuh Kerajaan Negeri Johor. Baginda juga telah menubuhkan pasukan askar Johor yang dikenali sebagai ‘Pasukan Timbalan Setia Negeri’ (JMF). Banyak lagi pembaharuan lain yang dibawanya.

Sultan Abu Bakar mangkat di London pada 4 Jun 1895. Raja Johor yang ke-20 ialah Sultan Ibrahim, iaitu putera Sultan Abu Bakar.

Pada masa pemerintahan Sultan Ibrahim, dalam tahun 1909, jalan kereta api di negeri Johor yang menyambungkannya dengan Negeri-negeri Melayu Bersekutu dibuka untuk kegunaan umum. Pada masa yang sama, jambatan yang menghubungkan Johor dengan Singapura telah dibina. Jambatan itu dinamakan Tambak Johor.

Serangan tentera Jepun ke atas Tanah Melayu pada tahun 1942 turut melibatkan Johor. Setelah Jepun menyerah kalah, Inggeris berkuasa kembali.

Hasrat Inggeris untuk menubuhkan Malayan Union telah ditentang oleh orang-orang Melayu. Anak Johor, Datuk Onn Jaafar telah memimpin orang Melayu menentang gagasan Malayan Union dan akhirnya berjaya.

Sultan Ibrahim mangkat di London pada 9 Mei 1959. Sultan Ismail dilantik menjadi Sultan Johor yang ke-22. Baginda mangkat pada 10 Mei 1981 dan digantikan oleh Sultan Iskandar Shah pada 11 Mei 1981 sehingga sekarang.

Sultan Iskandar Shah telah dipilih menjadi Yang Dipertuan Agong Malaysia yang kelapan.



## JOHOR BHARU

---

Johor Bharu ialah ibu negeri Johor Darul Takzim. Bandar ini terletak di pinggir Selat Tebrau. Johor Bharu juga ialah bandar yang paling ke selatan di Semenanjung Malaysia.

Bahagian hadapan bandar ini menghadap ke Singapura. Bandar ini diisyiharkan sebagai bandar raya.

Oleh itu, bandar ini penting sebagai pintu masuk utama pelancong asing ke negeri ini, terutamanya dari Singapura. Tambak Johor berperanan menghubungkan dua buah negara iaitu Malaysia dan Singapura yang dipisahkan oleh Selat Tebrau.

Nama lama bagi Johor Bharu ialah Tanjung Puteri. Mengikut catatan sejarah, nama Tanjung Puteri diberikan oleh Temenggung Daeng Ibrahim yang menjadi Sultan Johor pada ketika itu.

Walau bagaimanapun ketika pemerintahan Sultan Abu Bakar pada 1 Januari 1866, nama Tanjung Puteri ditukarkan kepada Johor Bharu dan nama itu kekal sehingga hari ini.

Di Johor Bharu terdapat beberapa buah bangunan bersejarah yang masih terpelihara, seperti Bangunan Dewan Jubli Intan yang dibina pada tahun 1895, Bangunan Sultan Ibrahim yang terletak di atas Bukit Timbalan. Bangunan itu dibina pada tahun 1938, Masjid Abu Bakar (1892), Istana Besar (1866), Hospital Sultanah Aminah (1938) dan stesen kereta api (1941).



## BANGUNAN SULTAN IBRAHIM

**B**angunan Sultan Ibrahim terletak di Bukit Timbalan, Johor Bharu. Kedudukan bangunan ini di tengah-tengah bandar telah menjadi lambang keagungan kerajaan negeri Johor.

Bangunan ini dibina pada tahun 1938 dan siap sepenuhnya pada tahun 1942 dan berharga RM 2 juta. Bangunan ini terletak di kawasan seluas 68,000 meter persegi. Tujuan bangunan ini dibina adalah untuk menempatkan semua pejabat kerajaan negeri bagi memudahkan urusan pentadbiran.

Kira-kira 46 jabatan dan pejabat kerajaan negeri ditempatkan di bangunan ini dengan kira-kira 500 orang kakitangan. Bangunan ini adalah di bawah pentadbiran Setiausaha Kerajaan Negeri Johor. Pejabat Menteri Besar Johor juga terletak di sini.

Bangunan ini dilengkapi dengan bilik mesyuarat termasuklah dewan untuk mesyuarat Dewan Undangan Negeri dan Exco Kerajaan Negeri.

Pada zaman Jepun, bangunan ini telah dijadikan sebagai tempat menyimpan makanan oleh Jepun dan juga markas gerakannya semasa Perang Dunia Kedua.

Reka bentuk dalaman dan luaran bangunan Sultan Ibrahim ini mempunyai tiga ciri seni bina Melayu Johor, corak Islam dan reka bentuk kolonial.

Bahagian bumbung dan dinding bangunan ini bercirikan seni bina Islam melalui ukiran-ukiran yang menarik. Terdapat ukiran-ukiran halus dan berbentuk awan larat yang tinggi mutunya.

Bahagian kekudanya pula memperlihatkan ciri-ciri seni bina Melayu, manakala reka bentuk luaran bangunan ini mempunyai ciri seni bina kolonial.

Struktur keseluruhan bangunan dari lantai, dinding hingga ke bumbung adalah menggunakan bahan konkrit bertetulang. Corak bumbungnya adalah rata manakala menara pula berbentuk kubah yang menampilkan unsur-unsur Rumah Limas Johor.

Ada tiga laluan utama untuk memasuki bangunan Sultan Ibrahim iaitu melalui Jalan Ibrahim (Pintu A), Jalan Datuk Dalam (Pintu B) dan Jalan Abdullah Ibrahim (Pintu C).



## ISTANA BESAR

---

**I**stana Besar ialah tempat bersemayam Sultan Johor. Istana ini terletak di luar kawasan bandar, di atas kawasan tinggi berhadapan Selat Tebrau. Bangunan ini adalah antara bangunan yang tertua di Johor Bharu.

Bangunan dua tingkat ini mula dibina pada tahun 1864 dan siap sepenuhnya pada tahun 1866. Bangunan ini banyak menyimpan bahan sejarah berkaitan dengan kerabat diraja Johor. Bangunan asalnya dibina atas perintah Sultan Abu Bakar, yang ketika itu bersemayam di Teluk Belanga, Singapura.

Istana itu dibina sebagai tempat bersemayam Sultan Abu Bakar selepas baginda merasmikan bandar Johor Bharu pada tahun 1866, sebelum memindahkan pusat pentadbiran Johor dari Teluk Belanga ke Johor Bharu. Bangunan ini dibina mengikut reka bentuk Inggeris-Melayu oleh jurutera tempatan yang terkenal, Datuk Yahaya Awaluddin.

Istana yang berwarna putih dan berbungkusan genting biru itu pernah dikunjungi oleh Duke of Edinburgh pada tahun 1867.

Bangunan ini kini dikenali sebagai Muzium Diraja Abu Bakar. Di dalam muzium ini memperkenan barang-barang bersejarah, kebanyakannya adalah milik keluarga diraja Johor.

Pada tahun 1956, di istana ini diadakan pembukaan dan penutupan rasmi Kongres Bahasa dan Persuratan Melayu kali ketiga. Kongres ini dirasmikan oleh Ketua Menteri Persekutuan Tanah Melayu, Tunku Abdul Rahman dan ditutup oleh Menteri Pelajaran, Dato' Abdul Razak Hussain.



## MASJID ABU BAKAR

**M**asjid Abu Bakar terletak di Jalan Abu Bakar, Johor Bharu, berhadapan dengan Selat Tebrau. Masjid ini dibina di atas sebidang tanah lapang dan menghadap Selat Johor. Masjid Abu Bakar menjadi masjid utama Johor Bharu.

Batu asas masjid ini diletakkan oleh Almarhum Sultan Abu Bakar pada tahun 1892. Masjid ini merupakan masjid yang terbesar di Johor.

Pembinaannya dilakukan di bawah arahan dua orang jurutera tempatan, iaitu Datuk Yahya Awaluddin dengan pengawasan kerja oleh Batwip Mohd Arif. Kos pembinaannya pada ketika itu ialah RM 400,000.

Pembinaan masjid ini mengambil masa selama lapan tahun. Masjid ini mula dibina pada tahun 1893 dan siap pada tahun 1900. Masjid Abu Bakar dibuka secara rasmi oleh Almarhum Sultan Ibrahim pada 2 Februari 1900.

Bentuk bangunannya empat persegi dan banyak dipengaruhi oleh ciri-ciri seni bina Islam. Masjid ini berbentuk bujur sangkar dengan 4 buah anjung yang masing-masing mempunyai menara kubah.

Menara-menara di sebelah utara dan selatan masjid ini dibuat tiga tingkat, sementara di bahagian timur dan baratnya adalah dua tingkat.

Unsur-unsur seni bina dari Asia Barat jelas terpancar dalam pembinaan masjid ini. Di ruang mihrab masjid ini terdapat sebuah mimbar berukir yang diperbuat daripada tembaga. Ukiran-ukiran awan larat juga terdapat pada tiangnya iaitu ukiran berbentuk bunga-bungaan tempatan.

Masjid Abu Bakar ini merupakan salah sebuah masjid yang tercantik di Malaysia. Masjid ini melambangkan ketinggian syiar Islam dalam pemerintahan kerajaan Johor.



## KOTA PANCHOR

---

Panchor ialah tempat yang banyak mempunyai tempat bersejarah. Di sini terdapat sebuah kota iaitu Kota Panchor.

Kota ini terletak di atas Bukit Tukul, kira-kira 14 kilometer dari Kota Tinggi tetapi kini kota itu tidak dapat dilihat lagi.

Selain di puncak Bukit Tukul itu, terdapat makam bersejarah yang dikenali sebagai Makam Puteri Putih. Ke arah kaki bukit tersebut, terdapat pula makam Sultan Abdul Jalil, Sultan Johor yang mangkat pada 1570.

Mengikut catatan sejarah, Sultan Mahmud Shah yang memerintah Johor telah dibunuh oleh Megat Seri Rama (Laksamana Bentan) ketika baginda berada di atas usungan dalam perjalanan ke masjid untuk sembahyang Jumaat. Peristiwa yang berlaku pada tahun 1699 itu dikenali sebagai Sultan Mahmud Mangkat Dijulang.

Baginda diganti oleh Bendahara Tun Abdul Jalil, anak Bendahara Tun Habib Abdul Majid sebagai Sultan Johor kerana baginda tidak mempunyai putera lelaki. Baginda kemudian bergelar Sultan Abdul Jalil Riayat Shah IV.

Pada mulanya baginda bersemayam di Kota Tinggi dan kemudiannya berpindah ke Panchor. Di situ baginda mendirikan pusat pemerintahan dengan membina kota yang sangat kukuh.

Kota itu berbentuk empat persegi, diperbuat daripada kayu tebal dan besar, serta disusun berlapis-lapis. Kota itu juga dilengkapi dengan meriam yang dihalakan ke Sungai Johor dan Sungai Tukul.

Kota Panchor telah diserang oleh Raja Kecil yang mengaku sebagai putera sultan yang mangkat dijulang. Raja Kecil berjaya menawan kota itu.

Raja Kecil telah mengambil alih pemerintahan dan menggelarkan dirinya sebagai Sultan Abdul Jalil Rahmat Shah. Sejak itu, Kota Panchor terus terbiar.



## KOTA BATU

---

Johor Lama terkenal dengan kesan-kesan sejarahnya yang memperlihatkan kesinambungan Kerajaan Kesultanan Melayu Melaka dengan Kerajaan Kesultanan Melayu Johor.

Malah sejak tewasnya Melaka di tangan Portugis pada tahun 1511, kerajaan Johorlah yang mengambil alih peranan yang pernah dimainkan oleh Melaka.

Antara kesan-kesan sejarah yang penting ialah **Kota Batu**, yang telah menjadi benteng pertahanan semasa menentang Portugis. Kota Batu terletak kira-kira 27 kilometer dari bandar Kota Tinggi.

Kota ini telah dibina oleh Sultan Alauddin Riayat Shah II iaitu Sultan Johor Kedua (1528-1564). Baginda ialah putera Sultan Mahmud Shah, raja Melaka yang akhir pada tahun 1545 sebagai Pusat Pentadbiran Kerajaan Johor.

Kota Batu terletak di atas puncak bukit, di tepi tebing kanan mudik Sungai Johor. Sebahagian daripada tembok kota ini terletak di atas sebuah tanjung yang curam dan merupakan sebahagian daripada tebing Sungai Johor.

Tanjung tersebut dikenali sebagai Tanjung Batu. Sempena kedudukan kota itu di atas tanjung itu, kota tersebut juga dipanggil Kota Batu Johor Lama.

Bentuk kota ini tidak betul-betul empat persegi. Kota ini dilingkari oleh benteng-benteng yang terdiri daripada beberapa penampang yang berkelok-kelok. Kota ini mengandungi beberapa penjuru yang dibina sebagai pertahanan daripada serangan musuh.

Di tebing Sungai Johor dibina sebuah tembok kota yang kukuh, terdiri daripada tiga buah penampang yang berukuran kira-kira 50 meter panjang dan 20 meter lebar.

Benteng kota yang terletak di atas tanjung diperbuat daripada batu-batu pejal dan bahagian atasnya ditimbus dengan tanah. Kota ini dilengkapi dengan senjata-senjata dan meriam yang ditempatkan di tembok kota yang terletak di hujung tanjung. Tujuannya adalah untuk memudahkan melihat ke arah Sungai Johor.

Pada ketika itu, Johor terpaksa berhadapan dengan dua kuasa besar, iaitu Portugis dan Acheh yang sering bermusuhan. Lagipun usaha Johor untuk mengambil alih peranan Melaka sebagai pusat perdagangan telah dicemburui oleh Acheh.

Pada tahun 1564, Kota Batu telah dirampas oleh Acheh. Sultan Alauddin Riayat Shah II dibawa ke Acheh dan baginda mangkat di sana. Untuk beberapa ketika, Sultan Johor terpaksa bernaung di bawah kekuasaan Acheh.

Sultan Ali Jalla Abdul Jalil Riayat Shah (Sultan Johor ke-5) telah membela Kota Batu kembali dan menjadikannya sebagai pusat pemerintahan baginda.

Pada tahun 1576, 1578 dan 1586, Kota Batu diserang oleh Portugis melalui Melaka tetapi serangan mereka dapat dipatahkan. Pada akhir tahun 1587, semasa pemerintahan Sultan Ali Jalla Abdul Jalil, India telah menggempur Kota Batu dengan bantuan Goa. Angkatan Portugis yang dipimpin oleh Poulo de Lima Pereira berjaya menawan kota ini.

Dengan itu pusat pemerintahan dipindahkan ke Batu Sawar. Kesan-kesan Kota Batu masih ada sehingga kini.



## MAKAM LAKSAMANA BENTAN

**M**akam Laksamana Bentan terletak di Kampung Kelantan, iaitu kira-kira dua kilometer dari bandar Kota Tinggi.

Nama sebenar Laksamana Bentan ialah Megat Seri Rama. Beliau adalah seorang laksamana atau pahlawan yang gagah perkasa pada zaman pemerintahan Sultan Mahmud Shah II, iaitu Sultan Johor yang kesepuluh (1685-1699). Baginda banyak berjasa mempertahankan kedaulatan Johor.

Semasa pemerintahan Sultan Mahmud Shah II, baginda memerintah dengan kejam lagi zalim. Baginda selalu membuat keputusan tanpa memikirkan akibatnya terlebih dahulu.

Semasa Laksamana Bentan berada di medan perperangan, isterinya yang sedang hamil mengidam hendak makan nangka masak. Kebetulan pada masa itu, penghulu istana membawa sebiji nangka yang sedang masak ranum melintasi rumah Laksamana Bentan.

Isteri Laksamana Bentan meminta seulas nangka itu daripada penghulu istana. Pada mulanya penghulu istana enggan memberinya kerana nangka itu hendak dipersembahkan kepada sultan.

Akan tetapi atas rasa belas kasihan, penghulu istana telah memberi seulas nangka tersebut kepada isteri Laksamana Bentan.

Sultan Mahmud Shah II telah murka apabila baginda mendapat tahu nangka itu adalah sisa isteri Laksamana Bentan. Isteri Laksamana Bentan dipanggil ke istana. Dia dijatuhkan hukuman bunuh.

Laksamana Bentan berasa terlalu sedih apabila mendapat berita tentang kematian isterinya yang sedang hamil itu. Laksamana Bentan berazam untuk membala dendam atas kematian isterinya. Laksamana Bentan pun mengumpulkan pengikut-pengikutnya.

Masa yang sesuai untuk membunuh Sultan Mahmud Shah II ialah ketika baginda dijulang ke masjid untuk menunaikan fardu Jumaat.

Walau bagaimanapun, Sultan Mahmud Shah II sempat melontarkan kerisnya ke arah Laksamana Bentan dan bersumpah bahawa tujuh keturunan Laksamana Bentan tidak dibenarkan menjakkan kaki di bumi Kota Tinggi.

Akhirnya Laksamana Bentan dikebumikan di perkuburan yang terletak di Kampung Kelantan, Kota Tinggi. Sehingga kini, makam Laksamana Bentan merupakan salah satu tempat bersejarah di negeri Johor.



## MAKAM SULTAN MAHMUD SHAH II

Makam ini terletak tidak berapa jauh dari bandar Kota Tinggi. Makam ini juga dikenali sebagai Makam Sultan Mahmud Mangkat Dijulang.

Menurut catatan sejarah, Sultan Mahmud telah mangkat pada tahun 1699. Baginda dibunuh oleh Megat Seri Rama. Makam Megat Seri Rama sendiri terletak tidak jauh dari **Makam Sultan Mahmud Shah II** ini.

Peristiwa kemangkatan Sultan Mahmud ditikam oleh Megat Seri Rama, yang dikenali sebagai Laksamana Bentan merupakan sejarah hitam. Baginda ditikam oleh Megat Seri Rama kerana membala dendam terhadap kematian isterinya yang telah dihukum secara zalim.

Menurut cerita, semasa Megat Seri Rama menjalankan tugas menumpaskan lanun, isterinya, Dang Anum sedang sarat mengandung. Dang Anum mengidam hendak makan buah nangka. Nangka itu diambil dari kebun sultan.

Perbuatan mengambil nangka itu amat dimurkai oleh sultan kerana dianggap menghina baginda. Dang Anum menyatakan bahawa nangka itu bukan untuknya tetapi untuk anak yang di dalam kandungan.

Akibatnya, sultan memerintahkan supaya perut Dang Anum dibelah bagi membuktikan kata-katanya.

Apabila perut Dang Anum dibelah, didapati nangka tersebut berada di dalam mulut bayinya. Baginda amat menyesal atas perbuatan baginda itu.

Apabila Megat Seri Rama kembali dari tugasnya, beliau begitu marah atas tindakan sultan itu. Akhirnya Megat Seri Rama menikam baginda ketika baginda berangkat ke masjid untuk menunaikan sembahyang Jumaat.

Tikaman Megat Seri Rama tepat mengenai sultan sehingga tersebur darah putih. Sebelum baginda mangkat, baginda sempat melontarkan kerisnya ke arah Megat Seri Rama. Keris itu terkena kaki Megat Seri Rama yang menyebabkan beliau turut mati.

Sebelum baginda rebah, baginda sempat disambut oleh pengiringnya lalu dijulang. Sejak peristiwa itu, baginda digelar sebagai Sultan Mahmud Mangkat Dijulang.

Megat Seri Rama yang bergelar Laksamana Bentan dikebumikan di sebelah pusara isteri dan anaknya. Pusara itu boleh dilihat sehingga hari ini di Kampung Sungai Kemang.



## MAKAM SULTAN ALAUDDIN RIAYAT SHAH I

Makam ini terletak di atas bukit di Kampung Raja, Pagoh, Muar, kira-kira 30 kilometer dari bandar Maharani.

Menurut catatan sejarah, Sultan Alauddin Riayat Shah memerintah Melaka dari tahun 1477 hingga tahun 1488. Baginda ialah raja yang adil dan sangat mengambil berat tentang pemerintahan negeri dan kebajikan rakyatnya.

Kajian rasmi tentang kedudukan makam yang telah dilakukan oleh kerajaan Johor pada tahun 1930 membuktikan bahawa makam ini ialah Makam Sultan Alauddin Riayat Shah I.

Banyak serpihan tembikar di sekitar makam ini. Pembukaan rasmi Batu Peringatan Makam ini telah diadakan pada 25 Februari 1972.



## PULAU SIALU

---

**P**ulau Sialu terletak di daerah Batu Pahat. Dengan keluasan 1.5 kilometer persegi, pulau ini dipisahkan dari tanah daratan kira-kira 50 kilometer.

Seperti juga dengan pulau-pulau lain, pulau ini mempunyai kekayaan alam semula jadinya. Kini Pulau Sialu menjadi pusat persinggahan para pelancong dan kaum nelayan yang berulang-alik dari Rengit ke Batu Pahat.

Pulau ini mempunyai catatan sejarahnya sendiri. Lebih daripada 20 tahun dahulu, pulau ini didiami oleh kira-kira 30 buah keluarga Orang Asli Laut yang kerja harian mereka hanyalah mencari ikan, anak tiram dan kupang di dasar pantai.

Bagaimanapun apabila kawasan itu sering dinaiki air dan juga menghadapi ancaman daripada lanun, mereka berpindah ke kawasan berhampiran iaitu di Kampung Segenting.

Asal-usul nama Pulau Sialu itu dikatakan berasal daripada perkataan ‘sial lalu’. Menurut cerita, oleh kerana terlalu marah

terhadap lanun-lanun yang kerap mengganggu ketenteraman penduduk di situ, mereka telah memberi amaran iaitu sesiapa yang lalu di pulau itu akan mendapat sial.

Setiap hari, apabila mereka ternampak bot menuju ke pulau itu, mereka akan mengatakan bahawa pulau itu tidak boleh dilalui kerana mereka akan mendapat sial.

Lama-kelamaan, perkataan itu menjadi ‘sial lalu’ sahaja. Kemudian dipendekkan lagi menjadi ‘sialu’ dan kekal sehingga hari ini.



## PERIGI BATU PAHAT

---

**P**erigi Batu Pahat terletak di tepi Pantai Minyak Beku, lebih kurang 9 kilometer ke barat daya Bandar Penggaram, bandar bagi daerah Batu Pahat.

Perigi ini mempunyai banyak kesan sejarahnya sendiri. Dari kesan sejarah itulah juga daerah di bahagian pantai barat negeri Johor itu dinamakan Batu Pahat.

Dalam Sejarah Melayu, orang-orang Siam telah menyerang Melaka yang diketuai oleh panglimanya, Awi Dicu. Apabila tentera Siam itu sampai ke Melaka, sultan menitahkan Bendahara Paduka Raja bersiap sedia untuk menentang serangan Siam.

Seri Bija Diraja dan semua hulubalangnya dititahkan baginda mengiringi Bendahara Paduka Raja itu. Pada masa itu angkatan Siam telah pun hampir ke Batu Pahat. Maka berlakulah perperangan dengan orang-orang Siam.

Pertempuran antara angkatan Melaka dengan Siam itu berlaku di laut, berhampiran dengan pelabuhan Melaka.

Peperangan itu melarat sampai ke laut, bertentangan dengan kuala Sungai Batu Pahat sekarang.

Peristiwa itu berlaku pada tahun 1456, iaitu pada zaman Sultan Muzaffar Shah. Baginda telah memerintah Melaka antara tahun 1446 hingga 1456.

Angkatan Siam itu telah mengambil kesempatan masuk ke kawasan Batu Pahat. Kedudukan tempat itu sesuai sebagai tempat persembunyian daripada serangan musuh. Keadaannya agak berteluk sedikit dan dilindungi oleh sebuah pulau kecil, iaitu Pulau Sialu, di tengah-tengah kuala sungai itu.

Sungai Batu Pahat, iaitu tempat yang dipercayai dinaiki oleh angkatan laut Siam ialah kawasan batu-batu pejal dan mempunyai tebing yang curam dan tinggi.

Untuk mendapatkan air bagi tujuan minuman dan masakan, tentera Siam telah memahat batu pejal di suatu tebing sungai itu, iaitu kira-kira 5 meter dari gigi air.

Garis pusat perigi itu adalah kira-kira satu meter dan dalamnya juga lebih kurang satu meter. Perigi inilah yang dipercayai digali oleh orang Siam itu. Perigi itu masih ada sehingga sekarang dan dinamakan Perigi Batu Pahat.

Kini Perigi Batu Pahat masih kekal seperti bentuk asalnya sebagaimana dipahat oleh tentera-tentera Siam dahulu. Perigi ini bertutup dengan penutup yang juga diperbuat daripada batu. Batu penutup itu masih ada terletak tidak jauh dari perigi ini. Walau bagaimanapun, batu penutupnya itu tidak boleh diangkat kerana terlekat sebatи di atas tebing sungai.

Di samping itu, setengah-setengah penduduk tempatan menganggap Perigi Batu Pahat adalah keramat. Mengikut dongeng pada masa dahulu, perigi ini dapat mengeluarkan pinggan-mangkuk untuk keperluan kerja kenduri-kendara atau majlis perkahwinan.

Untuk mendapatkan pinggan-mangkuk daripada perigi itu, seseorang itu harus membakar kemenyan di situ serta memohon daripada penunggunya agar memberi pinjam pinggan-mangkuk yang diperlukan. Kalau permintaan itu dikabulkan, pinggan-mangkuk itu didapati tersedia di samping perigi itu.



## MUAR

---

**B**andar Muar ialah antara bandar utama di negeri Johor. Muar dianggap daerah tertua antara lapan buah daerah di negeri Johor. Bandar Muar juga dikenali dengan nama Bandar Maharani. Bandar ini dibuka pada tahun 1884 oleh Dato' Bentara Luar.

Dato' Bentara Luar menamakan Muar sebagai Bandar Maharani mengambil sempena gelaran yang digunakan oleh permaisuri Sultan Johor.

Bandar Maharani terletak di kuala Sungai Muar. Sehingga awal tahun 1967, bandar ini mempunyai pelabuhan kapal iaitu salah sebuah pelabuhan utama di negeri Johor.

Sebelum Jambatan Sultan Ismail dibuka, perkhidmatan feri digunakan untuk menyeberangi sungai bagi menyambung perjalanan ke utara negeri Johor. Pangkalan feri ini dikenali dengan nama Penambang.

Jambatan Sultan Ismail yang merintangi sungai ini mula digunakan pada 15 April, 1967. Kawasan di seberang Sungai

Muar yang kini dikenali dengan nama Tanjung Agas telah menjadi kawasan perindustrian di bandar ini. Perkhidmatan feri dan pelabuhan kapal kini tidak digunakan lagi.

Sejarah Muar banyak berkaitan dengan sejarah Melaka. Parameswara yang lari dari Temasik pernah singgah di Pagoh, Muar sebelum meneruskan perjalanannya ke Melaka.

Terdapat juga sebuah tempat yang dinamakan Biawak Busuk, iaitu di pesisir Sungai Muar. Tempat ini merupakan tempat pelarian orang-orang Melaka dan berhenti di kawasan itu.

Di situ mereka telah mendirikan kota tetapi keesokannya didapati banyak biawak mati dan berbau busuk di sekitar kawasan tersebut. Oleh itu tempat itu dinamakan Biawak Busuk, sempena peristiwa itu.

Menurut Sejarah Melayu, Hang Tuah berjaya melarikan Tun Teja dari Pahang melalui Sungai Muar. Sementara itu sejarah yang telah menjadi lagenda pula ialah kononnya Malim Deman telah menghulu Sungai Muar untuk mencari Puteri Bongsu.

Selepas jatuh ke tangan Portugis, Sultan Melaka telah berundur ke Muar. Dari tahun 1515 hingga tahun 1523, baginda telah melancarkan beberapa serangan ke atas Melaka dengan tujuan untuk menguasai kota itu semula. Malangnya usaha baginda gagal.

Terdapat juga sebuah kawasan terbuka di pesisir barat Muar iaitu dari kawasan Tanjung Emas atau Ketapang hingga ke Parit Pecah. Kawasan ini dinamakan 'Padang' di mana terdapat kerajaan yang mana penduduknya datang dari Sumatera. Di kawasan itu juga terdapat makam iaitu Makam Panglima Lidah Hitam.

Asal-usul nama Muar sering dikaitkan dengan beberapa cerita. Ada pendapat mengatakan nama Muar berasal daripada perkataan Melayu Sunda iaitu 'Muara' yang bererti kuala sungai yang dalam serta lebar.

Diperdayai bahawa nama Muar diperolehi daripada pengaruh orang Melayu Sunda yang datang berdagang ke

tempat tersebut. Ketika itu, Muar merupakan pusat perdagangan yang terkenal.

Menurut Martin Lister pula, perkataan ‘Muar’ mungkin diambil daripada perkataan Melayu iaitu ‘muak’, yang bermaksud menjemukan.

Ini adalah kerana pada masa dahulu penduduk di situ sering mengeluarkan ungkapan seperti ‘sudah muak memudiki sungai ini’. Maka daripada perasaan jemu itulah lahirnya nama Muar.

Selain itu nama Muar juga dikatakan berasal daripada perkataan ‘muara’, iaitu merujuk kepada kedudukan tempat itu di muara sungai. Dalam bahasa Tamil, Muar dipanggil ‘muaru’ yang bermaksud tiga sungai.

Ketika pemerintahan Sultan Abu Bakar, Kuala Muar dikatakan tempat sarang lanun. Baginda bertekad untuk mengubah keadaan itu supaya Muar menjadi kawasan yang aman dan makmur. Baginda menggalakkan orang Banjar dan orang Jawa untuk menyelesaikan masalah dalaman daerah itu.

Pada 12 Ogos 1887, Sultan Abu Bakar berserta permaisuri baginda, Sultanah Fatimah melawat bandar Muar. Dalam lawatan itu, baginda telah merasmikan pembukaan bandar Muar dan memberikannya nama baru iaitu Bandar Maharani, mengambil sempena gelaran isteri baginda, Maharani.

Pada suatu ketika dahulu, terdapat perkhidmatan kereta api di Muar. Perkhidmatan ini bermula di sekitar tahun 1890 dan berakhir pada tahun 1918.

Perkhidmatan ini menghubungkan Johor Bharu dan Gunung Pulai. Projek ini telah dilancarkan oleh Maharaja Abu Bakar pada 21 Julai 1869.

Kereta api ini digelar ‘Wooden Railway’ kerana keseluruhan relnya diperbuat daripada kayu. Relnya tidak tahan lama kerana landasan itu habis dimakan anai-anai.

Ketika itu, Muar merupakan jajahan yang terbesar. Oleh itu, bandar ini mula-mula sekali dimajukan dalam negeri Johor. Selain itu, Muar juga kaya dengan hasil bumi seperti gambir, lada hitam, kelapa, pinang dan sebagainya.



## KLUANG

---

**B**andar Kluang ialah bandar utama daerah Kluang. Bandar ini merupakan bandar terbaru antara bandar-bandar di negeri Johor. Perhentian kereta api Kluang merupakan salah satu daripada perhentian kereta api yang penting di Johor selain Segamat dan Johor Bharu.

Asal-usul nama Kluang dikatakan berasal daripada 'Keluang Kampung' iaitu sebuah kampung yang tertua di daerah ini dan merupakan sebuah kawasan dusun.

Nama itu pula diambil daripada perkataan 'kluang'. Pada masa dahulu terdapat banyak keluang di kampung itu iaitu sejenis haiwan yang sering makan buah-buahan dan berkeliaran pada waktu malam.

Pada masa dahulu, Keluang Kampung ialah dusun yang subur. Pelbagai jenis tanaman terutamanya buah-buahan terdapat di sini seperti durian, rambutan, langsat dan manggis.

Walau bagaimanapun hasil mereka sering dimakan oleh keluang yang banyak berkeliaran ketika itu. Walaupun pelbagai

usaha dilakukan oleh penduduk kampung tetapi masalah keluang itu tidak dapat diatasi.

Akhirnya penduduk kampung meminta pertolongan pawang. Pawang itu menilik punca masalah keluang itu dan memberitahu bahawa mereka terpaksa mengadakan suatu upacara khas di sebuah bukit yang terletak berhampiran dengan kampung itu.

Menurut pawang, keluang itu datang dari bukit itu. Pawang itu akan memujuk semua keluang yang bersarang di situ supaya tidak mengganggu kebun mereka lagi. Sejak itu mereka memanggil kampung mereka sebagai Keluang Kampung.



## TANGKAK

Tangkak adalah sebuah bandar yang terletak dalam daerah Muar dan bersempadan dengan daerah Segamat. Tangkak adalah kawasan yang banyak mencatat sejarah dan legenda tanah air, khususnya bagi negeri Johor.

Legenda kecantikan Puteri Gunung Ledang sehingga memikat dan menjadi idaman Sultan Melaka masih aisebut-sebut. Gunung Ledang terletak kira-kira 25 kilometer dari bandar Tangkak.

Ini menyebabkan bandar ini sering menjadi tempat kunjungan pelawat yang hendak ke kawasan perkelahan air terjun atau mendaki Gunung Ledang.

Menurut cerita, Tangkak mula dibuka oleh pahlawan tujuh bersaudara yang datang dari Kepulauan Riau, Indonesia. Mereka diketuai oleh saudara sulung mereka yang bernama Long Mahmud.

Pada masa dahulu, sungai merupakan alat perhubungan yang penting. Oleh itu, perhubungan antara Kuala Sungai Muar dengan Riau tidaklah begitu jauh. Perjalanan dengan

menaiki perahu dikatakan mengambil masa sehari sekiranya laut tidak bergelora.

Apabila sampai ke kuala Sungai Muar, ketujuh-tujuh bersaudara itu mudik ke hulu melalui Sungai Kesang dan ke Sungai Tangkak lalu masuk ke Kuala Sungai Seri Makmur sekarang.

Setelah mudik ke hulu dan hampir dengan daratan, mereka dapati kawasan tebingnya terdiri daripada tanah lembap dan berpaya. Mereka hampir gagal untuk naik ke darat kerana setiap kali melangkah dan memijak tanah di daratan, kaki mereka terpelesok hingga ke pinggang.

Akhirnya mereka mencuba pula dengan cara merangkak perlahan-lahan dan berjaya naik sehingga ke tanah tinggi, berhampiran dengan bukit yang kini dinamakan 'Bukit Tambak', dekat Anjung Batu, Tangkak.

Ketujuh-tujuh bersaudara itu tidak berhajat pulang ke Riau kerana khuatir mereka akan tenggelam di dalam paya yang berlumpur bagi mendapatkan perahu yang ditinggalkan di tebing Sungai Seri Makmur.

Mereka mengambil keputusan untuk menetap di situ dan membuka tanah serta mendirikan perkampungan walaupun terpaksa menempuh pelbagai kesulitan.

Disebabkan cara Long Mahmud tujuh bersaudara itu membuka kawasan itu secara merangkak, maka tempat itu dinamakan 'Tangkak' dan kekal sehingga sekarang.



---

## HUTAN LIPUR GUNUNG LEDANG

---

**H**utan Lipur Gunung Ledang terletak tidak jauh dari bandar Tangkak. Gunung ini terkenal dengan legenda Puteri Gunung Ledang. Perkataan 'Ledang' dikatakan bermaksud 'cahaya samar' atau 'biru pucat'.

Selain itu kawasan gunung ini menjadi tadahan air untuk dibekalkan kepada penduduk Melaka dan Muar. Gunung Ledang juga dikenali sebagai 'Mount Ophir'. Puncak Gunung Ledang pertama kali didaki oleh rombongan Dato' Luar pada tahun 1884.

Tugas Dato' Luar ketika itu ialah menetapkan sempadan di antara Johor dan Melaka yang telah menimbulkan perselisihan faham.

Dalam sejarah Melayu, tercatat kisah Sultan Melaka yang ingin meminang Puteri Gunung Ledang tetapi pinangan itu ditolak.

Menurut kisahnya, Sultan Mahmud yang memerintah Kerajaan Melaka ketika itu benar-benar mahu memenuhi

permintaan Puteri Gunung Ledang asalkan peminangan baginda diterima.

Sultan Mahmud berjaya memenuhi permintaan Puteri Gunung Ledang seperti setempayan hati nyamuk, hati kuman, air mata anak dara dan sebagainya, tetapi baginda gagal memenuhi permintaan Puteri Gunung Ledang yang terakhir iaitu semangkuk darah anaknya, Raja Ahmad.

Sejarah yang cukup popular itu membantu mempopularkannya sebagai tempat perkelahan dan kegiatan luar ditambah lagi dengan kehijauan alam semula jadi. Deruan air terjun yang mencecah batu-batan besar menenteramkan lagi hati sesiapa yang berkunjung ke sini. Selain itu gerai, tandas awam, bilik persalinan, pondok rehat dan peta lokasi ada disediakan.



## SEGAMAT

---

**B**andar Segamat ialah bandar yang utama bagi Johor. Bandar ini terletak di bahagian paling utara negeri Johor, bersempadan dengan Pahang dan Negeri Sembilan.

Asal-usul nama Segamat dikatakan berasal daripada suatu peristiwa dahulu, ketika Melaka ditakluki oleh Portugis. Setelah menyedari Melaka tidak dapat bertahan lagi dengan serangan Portugis, Bendahara Tepak mengambil keputusan melarikan diri bersama-sama pengikutnya.

Ketika dalam perjalanan, Bendahara Tepak mandi di sebatang anak sungai. Ketika mandi beliau merasakan badannya bertambah segar.

“Segar amat badanku ini,” kata Bendahara Tepak selepas mandi. Pengikutnya hanya mengangguk sahaja mendengar katanya itu.

“Tempat ini juga aman damai dan sesuai untuk dijadikan tapak perkampungan.”

Akhirnya, pengikutnya bersetuju untuk membuat petempatan baru di situ. Salah seorang daripada mereka mencadangkan supaya perkataan 'segar amat' diambil sebagai nama tempat itu.

Sejak itu, tempat itu terus dikenal sebagai 'Segar amat'. Tapi lama-kelamaan perkataan 'Segar amat' itu bertukar menjadi 'Segamat' sahaja dan kekal sehingga hari ini.

Tidak jauh dari bandar Segamat, terdapat kubur-kubur lama yang dipercayai tempat persemadian ahli rombongan Bendahara Tepak, pengasas bandar Segamat.



## PAGOH

---

**P**agoh terletak dalam daerah Muar. Pagoh merupakan sebuah pekan kecil yang terletak kira-kira 28 kilometer ke hulu Bandar Maharani atau bandar Muar.

Pagoh merupakan pekan kecil yang berasal dari perkataan 'bagus'. Walau bagaimanapun penduduk tempatan akhirnya menyebut 'Pagoh'.

Pada tahun 1553, seorang penulis Portugis menyatakan bahawa Parameswara yang dihalau keluar dari Temasik, telah melalui kawasan Pagoh. Di situ Parameswara telah membina sebuah 'Kota Kayu' sebelum meneruskan perjalanannya ke utara dan membuka negeri Melaka.

Kesan sejarahnya, seperti Kubu Kuala Pagoh, masih lagi dapat dilihat. Kubu ini merupakan tanah tinggi sepanjang kira-kira setengah kilometer berjajaran dengan tebing Sungai Muar yang bertemu dengan kuala Sungai Pagoh.

Tempat itu dikenali sebagai Kampung Malini atau disebut Kampung Berohor. Tanah tinggi yang dipercayai bekas kubu

oleh Sultan Mahmud Shah dulu, kini dapat dilalui dengan menggunakan sebatang jalan tanah merah kampung tersebut.

Kira-kira dua kilometer ke timur kubu tersebut di atas sebuah bukit di Kampung Raja, Almarhum Sultan Alauddin Riayat Shah, (1477-1488) ayahanda Sultan Mahmud Shah dan isterinya dimakamkan.

Pagoh juga menjadi medan pertempuran antara Portugis dengan Sultan Mahmud Shah, iaitu Sultan Melaka yang terakhir.

Menurut catatan sejarah, kekalahan Melaka oleh Portugis pada tahun 1511 menyebabkan Sultan Mahmud Shah dan putera baginda, Sultan Ahmad Shah telah meninggalkan Melaka.

Sultan Mahmud Shah serta anakandanya bersama sebahagian daripada rakyatnya berundur ke hulu Melaka dan berkumpul di suatu tempat bernama Bertam dan kemudiannya berpindah pula ke Batu Hampar.

Tujuannya adalah untuk mengumpul kekuatan bagi menyerang orang-orang Portugis itu dan merampas negeri Melaka kembali tetapi segala gerakan Sultan Mahmud Shah itu dapat dikesan oleh Portugis. Pada bulan September 1511, Alfonso d'Albuquerque telah menghantar angkatan perangnya untuk mengusir Sultan Mahmud dan pengikut-pengikutnya.


Sultan Mahmud dan pengikut-pengikutnya terpaksa berundur lagi. Kali ini mereka berundur ke hulu Muar dan membuat perkampungan di suatu tempat bernama Pagoh.

Sultan Ahmad Shah pula membina sebuah kubu di Bantayan sebagai benteng pertahanan berhampiran dengan kuala Sungai Pagoh.

Sultan Mahmud telah memperkuatkan kedudukan dan bersiap sedia untuk menyerang orang-orang Portugis di Melaka. Rancangan mereka diketahui oleh pihak Portugis. Pihak Portugis telah menghantar angkatan perangnya terdiri daripada 400 orang askar Portugis, 600 orang askar Jawa dan 300 orang askar Pegu (Burma).

Dalam pertempuran itu, Sultan Mahmud sekali lagi ditewaskan. Baginda bersama pengikut-pengikutnya berundur meninggalkan Pagoh.

Salah sebuah tempat bersejarah di sini ialah kubur Panglima Muhamad Berani dan isterinya, Mawar Setia di tebing sungai di Kuala Pagoh. Beliau terbunuh sewaktu mempertahankan Kubu Melini dan Kubu Wak Nayan di Pagoh.



## KOTA TINGGI

---

**K**ota Tinggi ialah bandar utama Kota Tinggi. Bandar ini terletak kira-kira 35 kilometer dari Johor Bharu. Bandar ini terletak di pantai timur negeri Johor.

Dari segi sejarah, Kota Tinggi pernah menjadi pusat pemerintahan kerajaan Johor pada masa dahulu. Catatan sejarah menyebutkan bahawa Kota Tinggi dibuka oleh Sultan Alauddin Riayat Shah pada tahun 1511.

Baginda ialah Sultan Melaka yang telah melarikan diri setelah Melaka dikalahkan oleh Portugis. Selepas baginda mangkat, puteranya, Sultan Mahmud memegang tampuk pemerintahan di Kota Tinggi.

Asal-usul nama bandar ini dikaitkan dengan namanya. Pada masa dahulu, sebuah kota telah dibina di tebing Sungai Johor. Ketika itu askar Portugis hebat memburu kerabat sultan Melaka.

Di sekitar Kota Tinggi, terdapat beberapa permakaman diraja. Salah satu daripadanya terletak di Kampung Makam, kira-kira tiga kilometer dari bandar Kota Tinggi.

Disinilah sultan-sultan kerajaan Johor dahulu dimakamkan. Di situ terdapat lima belas makam kerabat diraja Johor. Antaranya ialah makam Sultan Mahmud yang menjadi Sultan Johor pada tahun 1685 hingga 1699, makam Sultan Abdullah Shah dan makam Sultan Abdul Jalil.

Tidak jauh dari kompleks makam Sultan Mahmud, terdapat Makam Habib Abdul Majid. Almarhum Habib ialah Bendahara Johor yang sangat terkenal dengan kebijaksanaannya menjalankan dasar pemerintahan yang diamanahkan oleh Sultan Johor.

Baginda juga digelar sebagai Marhum Padang Saujana. Keturunan Bendahara Johor ini telah mewarisi pemerintahan di Johor, Padang dan Terengganu.

Di Kota Tinggi juga terdapat air terjun yang terkenal iaitu Air Terjun Kota Tinggi. Air terjun ini dianggarkan mencapai ketinggian lebih 160 kilometer bermula dari puncak bukit hingga ke lurah paling bawah.

Air Terjun Kota Tinggi adalah antara air terjun yang paling cantik dan tertua di negara ini. Air terjun ini menjadi tarikan pelancong dari dalam dan luar negeri pada hujung minggu dan cuti am.

## BATU PAHAT

---

**B**atu Pahat ialah bandar ketiga besarnya di negeri Johor. Batu Pahat terletak di tebing sebelah kanan Sungai Batu Pahat.

Catatan awal tentang Batu Pahat terdapat dalam tulisan Cina abad ke-19. Catatan itu menyebut tentang sebuah daerah perdagangan di selatan Muar yang dikenali sebagai ‘Lo Yeh’ yang dipercayai Batu Pahat.

Asal-usul nama Batu Pahat dikaitkan dengan beberapa catatan sejarah. Pada abad ke-15, orang-orang Siam sedang melaksanakan dasar perluasan tanah jajahan sehingga ke Melaka.

Semasa membuat persiapan hendak menyerang Melaka, tentera Siam telah berhenti di Batu Pahat. Di situ mereka telah menggali sebuah perigi untuk mendapatkan bekalan air. Tempat mereka menggali itu adalah berbatu.

Daripada perbuatan mereka memahat batu untuk membuat lubang perigi itulah lahirnya nama Batu Pahat. Perigi Siam atau Perigi Batu Pahat yang ada sekarang ini dipercayai perigi peninggalan tentera Siam tersebut.

Catatan lain pula mengatakan asal-usul nama Batu Pahat dikaitkan dengan Kota Santiago atau A Famosa di Melaka. Nama Batu Pahat diambil sempena kegiatan orang Portugis memahat batu di situ untuk membina kota tersebut.

Dalam buku Hikayat Abdullah karangan Munsyi Abdullah bin Abdul Kadir Munsyi menyebut,

"Syahadan adapun Batu Pahat itu batu Melaka yang digunakan oleh Alfonso d'Albuquerque. Aku dengar konon batu itu dipahat oleh orang Cina yang menjadi tukang kota itu. Batu Pahat itu digunakan oleh Portugis maka sebab itu sampai sekarang ini pun tempat itu bernama Batu Pahat".

Nama lama bagi Batu Pahat ialah Penggaram. Pada tahun 1893, Dato' Bentara Luar dititahkan oleh Sultan Johor memajukan daerah Batu Pahat. Sultan Johor tidak pula memberi bantuan kewangan.

Dato' Bentara mengeluarkan wangnya sendiri. Dia memilih suatu kawasan di tepi Sungai Batu Pahat dan menamakannya Bandar Penggaram.

Tempat itu dinamakan demikian kerana di situ terdapat banyak orang menggaram ikan. Bandar ini dibuka pada 1 Disember 1894.

Cerita lain tentang asal-usul nama bandar ini dikatakan nama Penggaram diambil daripada perkataan 'penggaram' kerana bandar ini kerap ditenggelami air.

Pendapat lain pula menyatakan bahawa nama ini mengambil sempena nama asal tempat itu iaitu 'Pangkalan Jeram', kemudian menjadi Penggaram.

Pada masa dahulu, perkhidmatan feri digunakan untuk menyeberangi sungai di bandar ini. Bagaimanapun perkhidmatan feri itu diberhentikan sejak jambatan dibina.

Bandar Penggaram juga terkenal dengan legenda 'Puteri Banam', di mana bandar ini terletak di kaki banjaran Gunung Banam. Lagu Gunung Banam juga sering dinyanyikan dalam lagu asli terutamanya dalam persempahan ghazal.



## PONTIAN

---

**P**ontian ialah bandar utama daerah Pontian, daerah terkecil di Johor. Bandar ini di pantai barat negeri Johor. Pontian terletak kira-kira 60 kilometer dari Johor Bharu. Pontian terkenal dengan hasil pertaniannya, iaitu nanas dan getah.

Asal-usul nama Pontian dikatakan berasal daripada perkataan 'perhentian'. Sebelum itu Pontian adalah pusat perhentian para nelayan kerana kedudukannya di kuala sungai. Mereka berhenti sementara di Pontian untuk mencari bekalan air atau berlindung daripada ribut taufan.

Kemudian tempat itu berkembang menjadi pangkalan penting dan sibuk. Tempat itu menjadi pusat para nelayan turun ke laut dan memunggah hasil tangkapan mereka.

Lama-kelamaan kawasan Pontian semakin berkembang maju. Sebuah kawasan lain yang berhampiran telah dimajukan sebagai bandar baru yang dinamakan Pontian Kecil. Sementara itu, Pontian yang asal dipanggil Pontian Besar.



## KUKUP

---

**K**ukup ialah pekan kecil di daerah Pontian dan terletak kira-kira 24 kilometer dari bandar Pontian. Pekan ini juga terkenal dengan hasil lautnya, terutamanya hidangan makanan laut yang lazat.

Kukup dipercayai dibuka sejak awal tahun 1800. Pada masa dahulu, laut menjadi alat perhubungan yang utama bagi penduduk Kukup dan juga pedagang-pedagang. Perdagangan menjadikan Selat Kukup terkenal ketika itu.

Kegiatan lanun juga berleluasa di perairan Selat Kukup sehingga para pedagang takut untuk melintasi selat itu. Kegiatan lanun dikatakan berada di kemuncak semasa pemerintahan Belanda dari tahun 1818 hingga 1824.

Pedagang-pedagang takut menyeberangi Selat Kukup kerana lanun yang bersarang di situ sentiasa bersedia mengejar setiap kapal dan sampan yang lalu di situ. Kapal yang ditahan akan dimusnahkan sementara sampan pula ditelungkup di sekitar pantai dan perairan selat itu setelah mangsa mereka diserang.

Kegiatan menelungkup sampan-sampan nelayan dan pedagang akhirnya timbulah perkataan 'Telungkup' bagi menunjukkan kawasan itu. Akhirnya perkataan 'Telungkup' itu bertukar menjadi 'Kukup' sahaja dan nama itu kekal sehingga hari ini.

Ada juga pendapat mengatakan 'Kukup' adalah bermaksud 'delta' atau 'pulau' yang terjadi daripada sampah-sarap yang hanyut di hulu sungai ke kualanya.

Perkataan itu digunakan berdasarkan Pulau Kukup terletak di antara kuala Sungai Permas Besar di sebelah barat dan Sungai Permas Kecil di sebelah timur.

Setelah kegiatan lanun berkurangan, Kukup yang pada mulanya ialah perkampungan nelayan kecil bertambah maju dalam bidang perdagangan.

Sebelum menjadi bandar, Kukup merupakan pusat penangkapan ikan, di mana orang-orang Cina menguasai pasaran. Mereka memajak serta membeli hasil tangkapan nelayan Melayu dan dijual ke Singapura.

Sebuah pejabat yang menerima cukai atas kegiatan itu didirikan di situ bagi memastikan kegiatan itu berjalan lancar. Turut didirikan di situ ialah surau, di mana Syeikh Arif A. Kadir menjadi imam dan guru agamanya. Dengan syor Syeikh Arif, ejaan Kukup diubah kepada 'Kukub' yang bermakna binatang dalam bahasa Arab (kaukub). Bagaimanapun sebutan nama itu tidak popular.

Pada tahun 1870, kerajaan Johor membenarkan Syed Muhammad Ahmad Alsagof mengeluarkan matawang sendiri yang dikenali sebagai 'Estet Constantinople' untuk memudahkan pekerja-pekerja membeli-belah di kedai khas dalam estet itu. Matawang itu diedarkan bagi kali pertamanya pada 1 Mei 1878.

Kini Kukup bukan lagi menjadi tumpuan lanun, tetapi menjadi kawasan tangkapan ikan yang terkenal di samping pusat pertanian kecil. Kukup juga maju dalam pelbagai bidang perniagaan makanan laut.

## MERSING

---

**M**ersing terkenal di kalangan pelancong sebagai pangkalan ke Pulau Tioman, Pulau Aur, Pulau Rawa dan Pulau Besar.

Mersing juga dikenali sebagai bandar nelayan kerana di sini terdapat pasar yang menjual pelbagai jenis ikan yang masih segar.

Mersing mempunyai banyak tinggalan sejarah yang menarik. Mersing terletak di timur laut negeri Johor dan di persisiran Laut China Selatan. Di baratnya pula, Kluang dan Segamat manakala Kota Tinggi di selatannya dan Pahang di sebelah utaranya.

Mengikut cerita, Mersing telah dibuka oleh Dato' Bentara Luar, Mohd. Salleh bin Perang pada tahun 1892. Tetapi ada yang mengatakan Dato' Bentara hanyalah menjalankan kerja-kerja mengukur daerah Mersing sahaja.

Kenyataan ini diperkuuhkan lagi dengan gelaran yang diberikan kepadanya, iaitu 'Arkitek Pembangunan Negeri Johor' pada dekad 1880-an.

Terdapat pelbagai cerita tentang asal-usul nama Mersing. Nama Mersing wujud sempena nama seorang Singh (Amir Singh atau Men Singh). Beliau telah melarikan diri dari Pahang ke Mersing.

Penghijrahan orang-orang Cina turut dikaitkan dengan asal-usul nama Mersing. Ungkapan itu ialah 'Moh Seng Koh' yang bermakna 'kuala sungai yang maju dan kaya'.

Cerita lain pula mengaitkan nama Mersing dengan pokok mersinga yang juga disebut sebagai pokok gandang dan merpuing.

Pada masa dahulu, pantai di tapak pekan ini dikatakan ditumbuh dengan pokok mersinga. Oleh itu, kawasan tersebut telah dinamakan 'Mersinga' oleh orang yang menerokanya. Lama-kelamaan, 'Mersinga' itu bertukar menjadi 'Mersing' sahaja.

Cerita lain pula mengaitkan nama Mersing dengan sebuah kisah perebutan seorang gadis bernama Seri Mersing. Gadis itu jatuh cinta dengan seorang pemuda dagang dari Pahang yang bernama Awang.

Malangnya, bapa Seri Mersing tidak bersetuju untuk mengahwinkannya dengan Awang tetapi bersetuju untuk mengahwinkannya dengan anak penghulu kampung.

Pelbagai fitnah telah dilemparkan kepada Awang untuk menyekat hasrat Awang itu. Penduduk kampung marah kepada Awang, tetapi Awang berjaya membuktikan kemurnian hatinya. Dia kembali disayangi oleh penduduk kampung.

Akhirnya bapa Seri Mersing bersetuju untuk mengambil Awang sebagai menantunya. Malangnya Awang sudah berkecil hati dengan sikap bapa Seri Mersing dan penduduk kampung sebelum itu.

Awang mengambil keputusan untuk pulang ke Pahang. Tinggallah Seri Mersing di situ mengenangkan nasib dirinya yang ditinggalkan kekasihnya. Dari legenda itu, lahirlah nama Mersing.

Sebuah lagu asli yang popular turut dikaitkan dengan bandar ini iaitu lagu 'Seri Mersing'.

## PERBADANAN PERPUSTAKAAN AWAM JOHOR



### Perbadanan Perpustakaan Awam Johor

JKR 14, Jalan Gertak Merah

80000 Johor Bharu

Johor.

Tel : 07-2232446

Fax: 07-2245281

### Waktu Perkhidmatan:

Selasa - Ahad (9.00 Pagi - 6.00 Petang)

Jumaat (9.00 Pagi - 12.00 Tgh.)

(3.00 Ptg. - 6.00 Ptg.)

Perpustakaan ditutup pada hari Isnin dan cuti am.

## PERBADANAN PERPUSTAKAAN AWAM JOHOR

### PENGENALAN

Kami adalah sebuah Perbadanan yang berperanan sebagai sebuah institusi, bertanggungjawab menyediakan perkhidmatan perpustakaan awam di seluruh negeri Johor Darul Takzim. Sebagai sebuah institusi yang berhubung rapat dengan masyarakat, Perbadanan Perpustakaan Awam Johor bukan sahaja mendekatkan pembacaan, penyampaian maklumat dan ilmu pengetahuan tetapi berusaha untuk memperluaskan lagi rangkaian perkhidmatan termasuk penubuhan Bilik-bilik Bacaan, Perpustakaan Desa, Perpustakaan Bergerak, Perpustakaan Cawangan serta menaikkan taraf perkhidmatan Perpustakaan Pusat.

### BAGAIMANA KAMI BERMULA

Kami memulakan operasi kepada orang ramai pada 1hb. Ogos 1984. Pada ketika itu bertempat di Tingkat 8, Bangunan Sultan Ibrahim, Bukit Timbalan, Johor Bahru, apabila enakmen penubuhannya telah diluluskan oleh Dewan Undangan Negeri yang mula berkuatkuasa pada 30hb. Oktober 1983, sewaktu Jawatankuasa Perbadanan telah dilantik oleh Majlis Mesyuarat Kerajaan Negeri yang dikenali sebagai Lembaga Pengarah Perbadanan Perpustakaan Awam Johor.

### PERKEMBANGAN DAN PEMBANGUNAN

Bermula pada 1hb. Januari 1986, kami telah berpindah ke sebuah bangunan baru milik kerajaan negeri yang terletak di Jalan Gertak Merah. Dan pada 20hb. Mac 1988, Perbadanan Perpustakaan Awam Johor telah dirasmikan oleh Yang Amat Berhormat Tan Sri Dato Haji Muhyidin bin Haji Mohd. Yassin, Menteri Besar Johor. Sehingga kini kami telah mempunyai rangkaian Perpustakaan Cawangan di hampir setiap daerah, 17 buah Perpustakaan Desa dan 4 buah Bilik Bacaan, rangkaian 5 buah Perkhidmatan Bergerak serta 8 destinasi Perkhidmatan Berkelompok.

## LEMBAGA PENGARAH PERBADANAN PERPUSTAKAAN AWAM JOHOR

Sebagai sebuah Perbadanan, kami ditadbir oleh sebuah Lembaga Pengarah yang dilantik oleh kerajaan negeri dengan dipengerusikan oleh Yang Berhormat Pengerusi Jawatankuasa Kebudayaan, Belia dan Sukan Negeri. Di peringkat pentadbiran, Perbadanan Perpustakaan Awam Johor diketuai oleh seorang Pengarah yang bertanggungjawab mengurus segala hal berkaitan dengan organisasi perbadanan, **AHLI LEMBAGA PENGARAH**.

### OBJEKTIF

Untuk mewujudkan masyarakat yang berilmu dan berpengetahuan serta perkembangan ekonomi, sosial dan kebudayaan.

### MATLAMAT

- i) Membantu keperluan pembelajaran rakyat;
- ii) Menolong mengimbangkan intelektualisme terutama di luar bandar.
- iii) Membantu keharmonian hidup antara masyarakat dan integrasi nasional;
- iv) Membantu proses pentadbiran dan pembangunan negara; dan
- v) Menyumbang kepada kesempurnaan dan pengajaran hidup masyarakat.

### FUNGSI

- i) Menubuh, melengkap, mengurus dan menyelenggarakan Perpustakaan Awam.
- ii) Mengembangkan dan menggalakkan bacaan khususnya dalam Bahasa Kebangsaan dan Inggeris;
- iii) Mengembangkan dan menggalakkan penggunaan buku-buku dalam Perpustakaan Awam untuk rujukan dan untuk pinjaman tertakluk kepada pemeliharaan yang sempurna terhadap kehilangan atau kerosakan;
- iv) Memperolehi suatu kumpulan lengkap buku-buku yang ada hubungan dengan Negeri atau yang diterbitkan di dalam Negeri;
- v) Mendapatkan atau mengadakan penerangan pusat mengenai sumber-sumber dan perkhidmatan-perkhidmatan perpustakaan-perpustakaan dalam Negeri;

- vi) Mengadakan perkhidmatan rujukan, bibliografi dan perkhidmatan pinjaman antara perpustakaan kepada Jabatan-jabatan Negeri dan Dewan Undangan Negeri; dan
- vii) Melakukan apa-apa perkara dan benda lain yang difikirkan perlu untuk menjalankan atau melaksanakan kesemua atau apa-apa maksud Enakmen ini.

## WAWASAN

Untuk membentuk masyarakat membaca di mana merupakan sebahagian daripada kehidupan seharian berteraskan kepada:

### BUKU:

Bahan-bahan yang boleh membina  
masyarakat berpendidikan, berdisiplin,  
bermoral tinggi, bermotivasi dan  
berkeyakinan kepada diri sendiri;

Untuk membangunkan masyarakat  
ke arah memajukan ekonomi, sosial  
dan kebudayaan;

Kajian dan informasi masa kini yang  
bersesuaian dengan zaman teknologi  
dan zaman maklumat; dan

Ummah berbilang kaum yang  
bersatu padu, bahagia dan  
penyayang.

## ORGANISASI

Di peringkat pentadbiran Perbadanan Perpustakaan Awam Johor diketuai oleh seorang Pengarah yang bertanggungjawab mengurus segala program berkaitan dengan:

- i) Pentadbiran dan Kewangan.
- ii) Perkhidmatan Pusat.
- iii) Pembinaan Koleksi dan Pendokumentasian.
- iv) Perkhidmatan Sokongan dan Seranta.
- v) Perkhidmatan Cawangan dan Luar Bandar.
- vi) Perancangan dan Pembangunan.

## PERKHIDMATAN

Perbadanan Perpustakaan Awam Johor Menyediakan Perkhidmatan berikut:

- i) Pinjaman - Mendaftar sebagai ahli untuk meminjam 2 naskah buku selama 14 hari.
- ii) Rujukan - Menyediakan bahan-bahan rujukan seperti ensiklopedia, Kamus, Laporan tahunan dan bahan-bahan lain meliputi semua bidang ilmu.
- iii) Kanak-kanak - Menyediakan bahan-bahan bacaan untuk kanak-kanak berusia hingga 12 tahun; dan remaja berusia hingga 18 tahun.
- iv) Perpustakaan Bergerak - Mempunyai 4 buah bas Perpustakaan dibahagi kepada Zon Utara, Zon Selatan, Zon Timur dan Zon Barat.
- v) Perpustakaan Pusat/ Cawangan - Perpustakaan Pusat terletak di Johor Bahru. - 7 buah cawangan ditubuhkan iaitu Batu Pahat, Kota Tinggi, Kulai, Mersing, Muar, Pontian dan Tangkak.
- vi) Perpustakaan Desa/Bilik Bacaan - Mula diperkenalkan pada tahun 1990 dengan tujuan:
  - a) Memberi kemudahan dan memastikan rakyat banyak membaca.
  - b) Meningkatkan pengetahuan rakyat bagi mempercepat dan membantu kerajaan dalam proses pem-

- bangunan negara; dan
- c) Membentuk budaya ilmu dan tabiat membaca.
- vii) Perkhidmatan - Disediakan kepada agensi kerajaan dan yang berada dalam kelompok dalam tahanan.
- viii) Pinjaman Antara - Membantu pengguna perpustakaan mendapat bahan Perpustakaan bahan yang tidak ada di dalam perpustakaan supaya boleh dipinjam dari perpustakaan lain.
- ix) Salinan Foto - Bahan-bahan rujukan yang dihadkan penggunaannya di dalam perpustakaan boleh membuat salinan foto dengan kadar bayaran 10 sen setiap salinan.
- x) Akhbar dan Majalah - Akhbar-akhbar utama dalam Bahasa Malaysia dan Inggeris serta majalah keluaran tempatan dan luar negara disediakan.
- xi) Golongan Istimewa - Khusus untuk golongan yang cacat penglihatan.
- xii) CD-ROM Multimedia - Sistem maklumat yang menggunakan cakera padat yang digabungkan di antara bahasa, imej, bunyi dan teks bagi menimbulkan kesan yang lebih bermakna.

## KOLEKSI

Koleksi perpustakaan merangkumi bahan-bahan seperti:

- a) Buku - Meliputi keseluruhan bidang perkara dalam Bahasa Malaysia dan Inggeris.
- b) Majalah - Tajuk majalah tempatan dan 1500 tajuk majalah luar negara dalam bentuk cakera padat.
- c) Keratan akhbar - Meliputi berita tempatan dalam pelbagai bidang.
- d) Microfiche
- e) CD-ROM - 50 tajuk dalam pelbagai perkara.

## Perpustakaan Cawangan Muar



**Perbadanan Perpustakaan Awam Johor**  
Cawangan Muar,  
Jalan Sultan Ibrahim,  
84000 Muar, Johor.

### Masa Perkhidmatan:

Isnin - Khamis	(9.00 Pagi - 5.00 Ptg.)
Jumaat	(9.00 Pagi - 12.00 Tgh.)
	(3.00 Ptg. - 5.00 Ptg.)
Sabtu	(9.00 Pagi - 1.45 Ptg.)
Ditutup pada hari Ahad dan cuti kelepasan Am.	

## Perpustakaan Cawangan



### Perbadanan Perpustakaan Awam Johor

Cawangan Tangkak,  
131 Jalan Sialang,  
84907 Tangkak,  
Johor.  
Tel: 06-982195



### Perbadanan Perpustakaan Awam Johor

Cawangan Kota Tinggi,  
NO. 64, Jalan Padang,  
81900 Kota Tinggi, Johor.  
Tel: 06-8834487.

## Perpustakaan Cawangan



### **Perbadanan Perpustakaan Awam Johor**

Cawangan Mersing,

No. 60, Jalan Ismail,

86800 Mersing, Johor.

Tel: 06-7994520.



### **Perbadanan Perpustakaan Awam Johor**

Cawangan Pontian,

Jalan Ismail,

82000 Pontian, Johor.

Tel: 06-6877134.

### Alamat Perpustakaan Cawangan

1. Perbadanan Perpustakaan Awam Johor  
Cawangan Muar  
Jalan Sultan Ibrahim  
84000 Muar, Johor.
2. Perbadanan Perpustakaan Awam Johor  
Cawangan Tangkak,  
131 jalan Sialang,  
84907 Tangkak,  
Johor.  
Tel: 06-982195
3. Perbadanan Perpustakaan Awam Johor  
Cawangan Kota Tinggi.  
No.64, Jalan Padang,  
81900 Kota Tinggi, Johor.  
Tel: 06-8834487.
4. Perbadanan Perpustakaan Awam Johor  
Cawangan Mersing,  
No 60, Jalan Ismail,  
86800 Mersing, Johor.  
Tel: 06-7994520.
5. Perbadanan Perpustakaan Awam Johor  
Cawangan Pontian,  
Jalan Ismail,  
82000 Pontian, Johor.  
Tel: 06-6877134
6. Perbadanan Perpustakaan Awam Johor  
Cawangan Batu Pahat,  
Jalan Rahmat,  
83000 Batu Pahat  
Johor.
7. Perbadanan Perpustakaan Awam Johor  
Cawangan Kulai,  
Jalan Pejabat Kerajaan,  
81000 Kulai,  
Johor.

**PERPUSTAKAAN DESA**

**PERPUSTAKAAN DESA SIMPANG LIMA DARAT,**  
84800 BUKIT GAMBIR, MUAR, JOHOR.

U.P: Tuan Hj. Kairan @ Kasran bin Hj. Shukor.

**PERPUSTAKAAN DESA SRI PANTAI,**

d/a. PUSAT LATIHAN KEMAHIRAN SRI PANTAI,  
86800 MERSING, JOHOR.

**PERPUSTAKAAN DESA FELDA PEMANIS,**

d/a. PENGURUS FELDA PEMANIS SATU,  
W/POS FELDA PEMANIS DUA,  
85000 SEGAMAT, JOHOR.

U.P: Pengerusi JKCR Felda Pemanis Satu.

**PERPUSTAKAAN DESA KG. PARIT HAJI ALI,**

d/a. SETIAUSAHA JKCR,  
KAWASAN KG. PARIT HJ. ALI, MUKIM 8,  
86400 PARIT RAJA, BATU PAHAT, JOHOR.  
U.P: En. Masran bin Roslan.

**PERPUSTAKAAN DESA KG. TERIANG BESAR,**

86900 ENDAU, MERSING, JOHOR.

U.P: Pengerusi Jawatankuasa Perpustakaan  
Desa Kg. Tanjung Besar.

**PERPUSTAKAAN DESA KG. PARIT MOHAYAT,**

d/a. UNIT PELADANG PARIT MOHAYAT,  
AIR BALOI,  
82100 PONTIAN, JOHOR.

U.P: Ketua Unit Peladang Kg. Parit Mohayat.

**PERPUSTAKAAN DESA PALOH,**

d/a. 1140-B, JALAN KELINIK,  
86600 PALOH, KLUANG, JOHOR.

**PERPUSTAKAAN DESA SRI LEDANG,**  
d/a. YANG DIPERTUA,  
**PERTUBUHAN PENEROKA FELDA SRI LEDANG,**  
85220 JEMENTAH, SEGAMAT, JOHOR.  
U.P: Yang Dipertua Pertubuhan Peneroka  
Felda Sri Ledang.

**PERPUSTAKAAN DESA KAMPUNG SAGIL,**  
d/a. BALAI RAYA KG. SAGIL,  
PARIT 3,  
84020 SAGIL, MUAR, JOHOR.  
ATAU  
PUAN HAJAH BARIAH BTE. ISMAIL  
BENDAHARI PERPUSTAKAAN DESA KG. SAGIL,  
KAMPUNG MELAYU RAYA SAGIL,  
84020 SAGIL, MUAR, JOHOR.

**PERPUSTAKAAN DESA BANDAR PENAWAR,**  
81900 BANDAR PENAWAR, KOTA TINGGI, JOHOR.  
U.P: Pengerusi Tabika Bandar Penawar.

**PERPUSTAKAAN DESA KOMPLEK PALONG TIMUR,**  
FELDA PALONG TIMUR 3,  
85100 BATU ANAM, SEGAMAT, JOHOR.  
U.P: JKCR Felda Palong Timur 3.

**PERPUSTAKAAN DESA PARIT HJ. SIRAJ**  
KAYU ARA PASONG,  
82010 PONTIAN, JOHOR.  
U.P: OTHMAN BIN SAINI.

**BILIK BACAAN**

**BILIK BACAAN TAMAN SRI PULAI,**  
TAMAN SRI PULAI,  
81300 JOHOR BAHRU, JOHOR.  
U.P: PUAN HAJAH NOR ASIHAN AHMAD.

**BILIK BACAAN KAWASAN TIRAM,**  
d/a. PERHENTIAN TEKSI BANDAR TIRAM,  
81800 ULU TIRAM, JOHOR.

**J/KUASA PENGELOLA BILIK BACAAN,**  
D/A BALAI RAYA TAMAN ILHAM,  
KLUANG,  
JOHOR.  
U.P: EN. SABIRIN BIN MAHMUD.

**BILIK BACAAN MUKIM GEMEREH 3,**  
d/a. KOMPLEK PENGHULU MUKIM GEMEREH,  
KM. 5, JALAN MUAR,  
85000 SEGAMAT, JOHOR.

**BILIK BACAAN BANDAR BARU UDA,**  
NO. 2A, TINGKAT 1,  
JALAN SEKOI,  
81200 JOHOR BAHRU, JOHOR.  
U.P: AZHAR SOPIAN.

**BILIK BACAAN TAMAN ILHAM**  
JAWATANKUASA PENGELOLA BILIK BACAAN  
D/A BALAI RAYA TAMAN ILHAM, KLUANG.  
U.P: EN. SABIRIN MAHMUD.

**BILIK BACAAN FELDA MEDOI**  
PERTUBUHAN PENEROKA FELDA MEDOI  
PENGERUSI BIRO PENDIDIKAN,  
D/A FELDA MEDOI.

**PERPUSTAKAAN DI BAWAH KELOLAAN PEJABAT DAERAH,  
MAJLIS PERBANDARAN DAN PKENJ.**

**PERPUSTAKAAN SULTAN ISMAIL**  
JALAN DATIN HALIMAH,  
80350 LARKIN, JOHOR BAHRU.  
(PERPUSTAKAAN DI BAWAH KELOLAAN  
MAJLIS BANDAR RAYA JOHOR BAHRU)  
TEL: 06-2378146.

**PERPUSTAKAAN AWAM PASIR GUDANG**  
PEJABAT PIHAK BERKUASA TEMPATAN,  
PASIR GUDANG.